

國醫小叢書之十八

喉

黃真人著

科

秘

訣

上海國醫書局印行

喉科秘訣目錄

卷上

神字號玉華散

聖字號通利散

功字號積雪膏

巧字號定風針

附風熱喉辨方

附積熱喉辨方

附痰熱喉辨方

附虛熱喉辨方

附鍼灸須知

附誌

卷下

單鵝風

雙鵝風

單口風

松子風

搭頰風

外鎖風

斗底風

木舌風

重舌風

蓮花舌

牙蟬風

雙纏風

驢嘴風

稔舌風

飛鵝風

懸癰風

楓葉風

漏腮風

大喉風

帝中風

爛喉風

大水風

附壞症須知

喉科秘訣卷上

破頭黃真人著

喉科大要。須辨內外二因。及明五行生尅。如外感六淫之邪。痰火上壅而爲病。內傷飲食煎炒。熱傷肺胃。及房勞傷腎。鬱怒傷肝。其中五藏生尅。如金尅木。則宣其肺。當補其肝。木得和而病卽安。木尅土。則宣其肺。當補其脾。土得安而病自愈。土尅水。則宣其脾。當補其腎。水得潤而病自己。水尅火。當滋其腎而養其心。火得暖而病自痊。火尅金。當瀉其心而補其肺。金得潤而病自除。故病有淺深實虛。必究其

因而治之。爰定神聖功巧四字。隨證化裁可也。

神字號玉華散

專治咽喉三十六症。一切鵝腫並用之。血竭三錢 白礬一兩

芒硝一兩 乳香五錢 沒藥五錢 硼砂五錢 雄黃三錢 麝

香一分 冰片五分 共爲細末秤過。每兩加入膽礬一分。俱係生

用。不須製。

歌曰。血雄三錢麝一分。五錢乳沒硼砂同。礬硝一兩一分膽。片腦細末用五分。

聖字號通利散

治毒氣秘結。大便不通。原名敗黃散。有泄者當忌之。白礬五錢。

芒硝三錢。雄黃三錢。巴豆一錢。去壳淨油。共爲細末。看病淺

深。一遍或用三匙。調和溫服。其通利大便二三次。看患者虛實用之。或煉蜜爲丸。如龍眼。大調溫湯。下取泄立效。

歌曰。敗黃巴豆散。油壳去一錢。雄硝三錢足。礬是半兩間。煉蜜爲丸。用。通利病卽痊。

功字號積雪膏

量病輕重。用前神藥末。如入膽礬五分。若出膿。加入熊膽一錢。若病人沉重。喉竅俱塞。可入一錢。輕者可用二三分。若病人心煩顛倒。口

出鬼言。可入硃砂五分。竹茹五分。卽安寢。

巧字號定風針

巧者取鍼去血。並無亂刺。當針則針。不當針則止。遵范九思之鍼灸法。看病深淺如何。隨證變通爲巧。若淺者虛者。偶然鍼愈。不知鍼之毒隨。或反害者有之。宜針不宜針。可自斟酌爲之。鵝瘡有黃白者。頭上可鍼破。敷神藥末。捕膿。血出者不可亂刺。不用神藥末。用眞喉末可也。

一病者如喉中忽然生單鵝或雙鵝。多起於睡醒覺之。或起了二三日。遇微礙熱而觸動。卽時礙氣難吞。牙關緊合不開。將神藥末一

匙挑入牙關內左右俱用藥二遍。痰即開。一刻間再吹神藥末。含得爲水先遍嚥下。含次遍爲水。口吐撒。再用藥三遍方可。看內病如何。若瘡形紅腫。只用神藥末吹之自消。如潮熱憎寒不退。急用通利散三匙瀉之。用連翹消毒飲數服。不拘時候。時時服之。敗其毒也。

連翹消毒飲

連翹一錢 升麻五分 防風五分 荊芥四分 僵蠶一

錢 全蝎四分 牛蒡五分 白芷七分 黃柏一錢 黃連一錢 桔梗五分 薄荷五分 甘草五分水二碗煎服。○炳章按如舌尖赤喉間赤或紫。午後疼痛增劇。便燥結。雖有身熱。宜辛涼橫開。如升防僵蒡白

芷皆在禁例。

有熱加柴胡

（炳按柴胡宜改桑葉。）七分

黃芩七分。有痛不止。要加乳香三分。沒藥三分。小便不通。

加木通七分。車前子七分。有痰盛者。加半夏七分。瓜蒌七分。

一病喉內生鵝。煩熱憎寒。內如粟壳黃疱瘡。連爛口舌。卽用神藥末吹鵝中。此是毒風之極。然亦無妨。只須五六日遲退痊矣。脈浮洪者。宜用敗毒散服之。若脈沉實。用敗黃通利散三匙。脈浮洪或沉有力。俱無害。

敗毒散 牛蒡七分。荆芥五分。元參一錢。赤芍五分。柴胡五分。桔梗一錢。甘草五分。白芷五分。（炳按柴胡桔梗白芷辛溫升提。

皆宜慎用。

若毒盛。加升麻五分。葛根五分。有潮熱者。加苦

參根五分。黃芩。黃連。防風各五分。若腹脹悶亂。發熱秘結。加大黃二錢。芒硝一錢同煎。利三五遍即止。餘不拘服。

一病舌下另生一舌。如蓮花者。名爲蓮花舌。又名重舌。又名木舌。舌大長硬。俱用神藥末點之。苦沉重者。頻頻擦舌。及教病人自己咬住舌。露舌在牙外。看真用三稜針。鍼去四五路血。後點神藥末。擦舌爲妙。又有紫筋二條。針開出血。用神藥末吹之。（炳章按此症皆由肝腎虧。心火旺。宜服滋營養液湯劑。效更速。）又用米醋半碗。調真喉末含之。吐出再含。以消爲度。

真人吹喉散 煨礪砂一錢寒水石七分雄黃五分上冰片六厘共研細末收貯聽用 若喉疳臭爛加地雞一分卽水缸下地蟬子瓦上焙枯麝香五厘牛黃七厘

一病崩砂漏齒風亦有潮熱只用神藥末加蜜蒸過調塗含嚥津滿口吐撒用防風荊芥白芷三味煎水洗淨用藥擦牙關卽活又將舌洗去毒此病不妨如有牙邊紅肉生出來去硝礪二味加入膽礪一錢同用神效亦用敗毒散或食或洗俱用無患如有腹滿腹緊亦用通利散若不敢通只用連翹消毒飲服之若孕婦用神藥末勿吞只可口含吐出來入麝香吞無忌

一病牙關內生有肉。遮過牙口。又難開。却用神藥末挑放牙上。開其牙竅。然後用鍼剔破其肉。卽用神藥末敷破處。卽愈。再看牙關內有紅筋一條。入牙關不能開。用瓦刀割斷其根。待血出。再用神藥末吹之。

一病喉風連年起一二次。不斷其根原者。用范九思之鍼灸法。男左女右。在大指本節後一寸。用艾灸三壯。卽斷其根。此穴不可輕用。慎之慎之。

光按神藥末卽神字號玉華散。眞喉末卽眞人吹喉散。

周詩先生曰。夫咽喉者。乃五氣呼吸之門戶。五味輸納之道路也。蓋

咽者嚥也。嚥納水穀也。喉者候也。候氣之出入也。有風積痰虛四字所傷病由此生。而輕重可較焉。夫氣之出入。有順有逆。外有六淫時氣之邪。內有七情飲食之傷。其中又有虛實。故內因七情過度。則主不能安而神勞。神勞則相火動。火動痰生。則氣鬱而火變痰於咽隘。單鵝雙鵝梅核諸症蜂起。乘外感之邪熱。觸動而作矣。學者可認證候方法施治。以期得效。三十六種名雖不同。四字之說。甚爲便當。若不識其症。妄施藥餌。輕變爲重。實難救療。且咽喉係危急之症。不可輕忽。可用心救人。陰隲非輕。當取則取。不當取者。可以行陰隲。天必祐之。

附風熱喉辨方

風熱喉初起。牙關強閉。頭面則腫。嚥津則礙。憎寒壯熱。屬肝膽之經。生發頂鵝雙單鵝。每日宜用真喉末吹二三次。每次三匙。內服瀉肝通聖散一劑。以瀉爲度。如不瀉連進幾次。用消風活血湯數劑。若瀉後對時不寬。急用三稜鍼刺去鵝頂毒血。只三五鍼。隨後又點藥末。若喉緊急。卽以鍼刺。毋待次日。活法行之。此乃肝膽經症。牙關閉疼。壅盛而死。或改用皮硝散急吹用之。

瀉肝通聖散 歸尾四分 黃芩七分 殭蠶五分 赤芍五分
桔梗一錢 甘草五分 石膏二錢 大黃生二錢熟二錢 芒

硝一錢 枳壳七分 黃柏七分 升麻三分 葛根四分 防
風四分 荊芥四分 膽草四分 生薑一片 水一碗煎七分
空心溫服。令瀉爲度。如不瀉。再進本藥一劑後。方服消風涼血湯。
（炳章按此證去升葛桔防生薑。加鮮大青丹皮桑葉銀翹等。則
效更捷。）

消風涼血湯 白芍七分 黃芩一錢五分 鮮生地二錢 桔梗
一錢 荊芥五分 防風六分 梔子五分 殭蠶四分 黃柏
七分 黃連三分 甘草三分 歸尾五分 花粉六分 銀花
五分 山豆根五分 升麻三分 薄荷三分 生薑一片 水

二碗煎七分空心服。（炳章按升防枯生薑喉症皆當慎用。）

千金皮硝散 風痰盛者必用此方 皮硝一兩（用鐵挑炙過以乾爲度。）

砂仁二錢（去皮膜） 海螵蛸二錢（去淨粗壳） 硼砂生

一錢煨五分 雄黃一錢五分 硃砂一錢五分 冰片二分

直僵蠶八分 麝香五厘 鬱金五分 白礬一錢六分生煨各半

附積熱喉辨方

積熱喉初起。多有夜半睡覺。嚥津礙氣。牙關強而不開。鼻氣覺有些

燒痰涎壅粘壯熱多。憎寒少。此症屬心經三焦之火。生發頂雙單鵝。亦宜每日吹真喉末二三次。每次三匙。出痰多效。內用瀉心通聖散一劑。次用清膈涼血湯數劑。若瀉心通聖散服後大瀉。不用多服。若無多瀉。再進本藥一劑。方可吹藥。一日不寬。急用三稜鍼。刺去鵝頂毒血三五鍼。吹喉藥點之。毋得遲延。日久自潰爛變成牙疳。雖不至死。臭惡半年不愈。故當速治。又恐延遲日久。兼胃虛之人。毒攻心胃。可謂悞殺。此宜深察趨行勿怠也。

瀉心通聖散 黃連一錢 犀角五分 梔子五分 桔梗八分
甘草三分 枳殼五分 黃芩一錢 升麻四分 葛根五分